



DEN NORSKE KYRKJA

Kyrkja i Masfjorden

22. juni 2022

Hei, og velkommen til konfirmasjon i Masfjorden!



Dette brevet går til deg som er fødd i 2008 og høyrer til i kyrkja i Masfjorden. No er det din tur til å vera konfirmant! Her kjem litt om innhaldet i konfirmantåret, nokre viktige datoar og info om korleis du melder deg på for å vera med på kyrkja i Masfjorden sitt konfirmasjonsopplegg.

Sokneprest Torbjørn Sæle, trusopplærar og dei andre som jobbar i kyrkja, ser fram til å møta deg.

Vi trur det er god grunn til å gleda seg til ei flott konfirmasjonstid!

Kven kan vera konfirmant i kyrkja?

Alle som er fødte i 2008 er velkomne til å vera konfirmant i kyrkja det komande skuleåret. Du kan difor gjerne dela denne informasjonen om du kjenner andre interesserte som ikkje har fått brevet. Samlingar og undervisning er opne for alle i årskullet som ønskjer å ta del, enten du er døypt eller ikkje. For å delta i konfirmasjonshandlinga på konfirmasjonsdagen, må du vera døypt. Dei som ikkje er døypt, men ønskjer å verta konfirmert i kyrkja, kan verta døypt før konfirmasjonen. Det vil då vera nokre eigne samlingar som førebuing til dåpen.

Tilrettelegging

Konfirmanttida er for alle uavhengig av funksjonsevne. Ta kontakt og kom gjerne med tips til korleis vi kan leggja til rette for å bidra til at alle kan kjenna seg inkluderte og velkomne.



Kva er konfirmasjon?

For deg som er døpt, tok kyrkja, foreldra og fadrane dine i fellesskap på seg ei forplikting: Å gje deg omsorg og opplæring så du kunne leva og veksa i den kristne trua. Denne opplæringa har du møtt på ulikt vis. I ungdomstida vil du oppleve mange ting på nye måtar. Konfirmasjonstida handlar om få tid til å undra seg, utforska og erfara meir av kva den kristne trua er. Det handlar om livet ditt og spørsmåla dine, og vi håpar og trur at du kan få lære meir om både Gud og deg sjølv i løpet av dette året.

Korleis er konfirmasjonstida?

Konfirmanttida strekkjer seg over eit år og inneheld minst 60 timar med undervisning og andre samlingar. I løpet av konfirmanttida vil du vera med på minimum 8 gudstenester. Ved nokre av desse vil du som konfirmant delta med ulike oppgåver, som t.d. å ønska velkommen, lesa tekst, tenna lys, styra powerpointen, bidra med song eller musikk eller ringa med kyrkjeklokkene. Du får koma med ønskje om kva du helst vil bidra med. Her er vi ulike og kan delta på ulike måtar i og rundt gudstenesta. Meir om dette når vi er i gang med konfirmantåret. Nokre aktuelle tema i konfirmasjonstida er bibel og bøn, gudstenesta, dåp og nattverd, sjølvbilde, identitet, rus og seksualitet. Du vil også få lære meir om Gud, Jesus og Den heilage Ande, diakoni og misjon. Normalt er det to konfirmantleirar i løpet av konfirmantåret. Den første leiren vert helga 11.-13. november 2022 på Fjon. Det vert også nokre samlingar ute og inne med sosialt og diakonalt fokus, noko av dette kan verta saman med konfirmantar frå andre kommunar i Nordhordland. I tida før påske er det innsamlingsaksjon til Kirkens Nødhjelp. Til saman utgjør dette eit spennande og viktig år, og det er avgjerande at samlingane vert prioriterte av alle! Meir om dette på infomøtet i august.



Konfirmantleirane

Konfirmantleirane er staden der størstedelen av konfirmantundervisninga skjer. Leirane har eit todelt føremål: Undervisning og godt fellesskap. Difor er det både undervisningssamlingar og ting vi gjer berre for å ha det moro. Kanskje vert du betre kjent med nokon i klassen eller frå ein av dei andre skulane – og du treff leiarar og prest. Det er òg med trygge og gode vaksenpersonar og ungdomsleiarar.



DEN NORSKE KYRKJA

Kyrkja i Masfjorden

22. juni 2022

Pris

Alt undervisningsmateriell vert dekkja av soknerådet/fellesrådet, mellom anna gjennom ofringar i kyrkjene våre. Likevel kjem det nokre utgifter for kvar konfirmant som heimane må dekkja. Det er ca 2000 kr per konfirmant og dekkjer begge leirane og nokre andre utgifter. Betalingsinformasjonen kjem på eit seinare tidspunkt. Ta kontakt om den økonomiske biten er til hinder for å delta.

Viktige datoar

Infomøte

Her får du møta dei ansvarlege for konfirmantåret, vita meir om kva skjer og spørre om alt du måtte lura på. Denne samlinga er felles for konfirmantar og foreldre/føresette i heile Masfjorden og infomøtet vert **tysdag 23.august i Frøyset kyrkje klokka 18:45 – 20:00**. Ferje frå Masfjordnes 18:15 og tilbake frå Duesund 20:30. På infomøtet vert fleire datoar for konfirmantåret presenterte.

Presentasjonsgudstenester

Alle nye konfirmantar vert prestentere i si lokale kyrkje søndag **28. august 2022 i**

Frøyset kyrkje kl. 11.00, Solheim kyrkje kl. 13.15, Sandnes kyrkje kl. 16.00.

På presentasjonsgudstenestene går konfirmantane i prosesjon inn i kyrkja og namna på konfirmantane vert leste opp i løpet av gudstenesta. Bortsett frå dette vil ikkje konfirmantane ha andre spesielle oppgåver enn å vera til stades og verta presenterte på denne gudstenesta.

Konfirmasjonsgudstenester

Konfirmantåret startar i slutten av august 2022 og varer fram til konfirmasjonsgudstenestene i 2023. Frå 2023 vert konfirmasjonane på våren, og datoane blir som følgjer:

- **Søndag 30. april 2023 i Frøyset kyrkje**
- **Søndag 7. mai 2023 i Sandnes kyrkje**
- **Laurdag 13. mai 2023 i Solheim kyrkje**



Foreldreinvolvering

Vi oppmodar foreldre/føresette om å ta aktivt del og leggja til rette for at konfirmanten kan få best mogleg utbyte av konfirmasjonstida. Kom gjerne saman på gudsteneste. Vi vil også trenga at foreldre/føresette bidrar med t.d. kjøring, matlaging og som nattvaktar på leir.



DEN NORSKE KYRKJA

Kyrkja i Masfjorden

22. juni 2022

Påmelding

Påmeldinga ordnar du enkelt via nettsida vår, www.masfjorden.kyrkja.no Trykk på konfirmant-artikkelen som no ligg på framsida eller øvst på sida via «Livets gang» og «Konfirmasjon» og artikkelen «Konfirmantpåmelding 2023». Det er fint om konfirmant og foreldre/føresett fyller påmeldinga ut saman. Ver nøye med kontaktinformasjonen og få med den informasjonen som er nyttig for oss å vita. Etter du har fylt ut påmeldinga, kjem det ei automatisk stadfesting på at påmeldinga er registrert. Du kan melda deg på no og seinast søndag 21. august.

Informasjon

Det meste av informasjon frå oss vil skje via e-post. Det kan i tillegg vera aktuelt med supplerande grupper på Facebook/Messenger for t.d. å samordna transport eller andre høve knytt til konfirmantopplegget.



Hugs påmeldinga og infomøtet

Det står det berre att å minna om påmeldinga via www.masfjorden.kyrkja.no og infomøtet tysdag 23.august i Frøyset klokka 18:45 – 20:00 Du kan lesa meir om konfirmasjon og tidlegare konfirmantar sine erfaringar på www.kyrkja.no/konfirmasjon

Spørsmål?

Har du spørsmål, så ta gjerne kontakt med

- kyrjekontoret på 56 16 62 61 eller kyrkja@masfjorden.kommune.no
- sokneprest Torbjørn Sæle på 95 14 16 85 eller ts657@kyrkja.no (tilbake frå ferie 1. august)
- trusopplærar Helga Ekehaug på 56 16 62 62 eller helga.ekehaug@masfjorden.kommune.no

Det vert ny trusopplærar sidan Helga Ekehaug går i studiepermisjon frå hausten. No i ferietida, kan det ta litt lenger tid å få svar, men den som er på jobb, svarar så fort som råd!

Ha ein strålende sommar!

Med helsing frå kyrkja i Masfjorden ved Torbjørn Sæle, sokneprest (vikar)